

କଲସୀୟ ଲୋକମାନଙ୍କ ନିକଟକୁ ପାଉଲଙ୍କ ପତ୍ର କଲସୀୟ ନାରୁଡ଼୍ ଗାରେ ପାଉଲ୍‌ଙ୍କ ଚିଠି କଲସୀୟ ବଇ ବିଷୟରେ ଅଣ୍ଟୟ ପଦ୍

କଲସୀୟ ଗାରେ ଲୋକତାଦ୍ ଚିଠି ଆଦୁଡ଼ ପାଉଲ୍ ତଡ଼, ଲୋକା ଆଡ଼ତାଦ୍ ଚିଠି ୧:୧ । ପାଉଲ୍ ଆଦ୍‌ପାର୍‌ରେ ଜିସୁ କ୍ରିଷ୍ଟନ୍ ଜନମ୍‌ରେ ପେର୍‌କେ ଗାରେଗାରେ ୬୦ କ୍ରିଷ୍ଟାବ୍ଦରେ ରମ୍‌ତାର୍ ବନ୍ଦି ମାନ୍ଦାନ୍ ଝେଲେ ଅଣ୍ଟ ଇଦ୍ ଚିଠି ଲେକି ମାଡ଼ତଣ୍ଟ । କଲସି ଚିଠି ତଡ଼ ଏଫିସିୟ ନୁ ଫିଲିପି ଚିଠିତିଙ୍କ ଜଇଲ୍ ଚିଠି ଇଞ୍ଜ କେଡିତଡ଼ ବାତେଙ୍କିଡ଼କେ ପାଉଲ୍ ଜଇଲ୍‌ତାର୍ ମାନ୍ଦାନ୍ ଝେଲେ ଇଦ୍ ଚିଠି ଲେକିମାଡ଼ତଣ୍ଟ । ଅଣ୍ଟ କଲସିୟ ଟାଝୁନ୍‌ତାର୍ ମାନ୍ଦାନ୍ ମଣ୍ଡଲିତାର୍ ଗାରେ ଇଦ୍ ଚିଠି ଲେକିମାଡ଼ତଣ୍ଟ । ପାଉଲ୍ ଅଣ୍ଟ ଇଦ୍ ମଣ୍ଡଲିତିଙ୍କ ଆରାମ୍ ମାଡ଼ଝେମାଡ଼ତଣ୍ଟ ବେଦ୍ ଅଣ୍ଟ ୨:୧ ଲେକିମିନ୍ଦେଣ୍ଟ, କିନ୍ତୁ ନୁର୍‌ଗେ ଆଗେ ତାମ୍ ଦାୟିତ୍ବରେ ମାନ୍ଦାନ୍ ଗର୍ ହେର୍‌କା ମାଡ଼ିତଣ୍ଟ । ଏପ୍ରାପ୍ରସ ଇଦ୍ ମଣ୍ଡଲି ତିଆର୍ ମାଡ଼ିମାଡ଼ତଣ୍ଟ । ଆଦିଙ୍କ ଅଣ୍ଟ କଲସିୟରେ ନାରୁଣ୍ଟ ମାଡ଼ତଣ୍ଟ ।

ପାଉଲ୍ କଲସିୟ ବେସକେ ମିର୍ ଶିକ୍ଷା ବିଷୟରେ ଚିନ୍ତେରେ ମିନ୍ଦେଣ୍ଟ । ଅଣ୍ଟ ଇଦ୍ ବିଷୟରେ ଚିଠି ଲୋକାନ୍ ସେଙ୍ଗେ ନାଗେ ସମୟ କଟା ମାଡ଼ତଣ୍ଟ । ଇଗାଙ୍କ ଆଦ୍‌ପାର୍‌ରେ ମାନ୍ଦେ ଯିହୁଦୀ କ୍ରିଷ୍ଟିୟାନ୍ ବେନଡ଼କି ବାଗାଡ଼ କ୍ରିଷ୍ଟିୟାନ୍ ନାରୁଡ଼କ୍ ପାଆନ୍‌ରେ ନିୟମ୍‌ରେ ଯିହୁଦୀ ବ୍ୟବସ୍ଥାତିଙ୍କ, ନିଜର୍ ଇସାବ୍‌ରେ ସୁନ୍ନତ ବିଦାତିଙ୍କ ପାଲନ୍ ମାଡ଼ାନ୍ ସେଙ୍ଗେ ବାଦ୍ୟ ମାଡ଼ାନଙ୍କ ଚେଷ୍ଟା ମାଡ଼ିମାଡ଼ତଣ୍ଟ । ପାଉଲ୍ ନିଜର୍ ଇସାବ୍‌ରେ ଦର୍‌କାର୍ ଆୟ୍‌ଝେ ଲୋକାମ୍ କ୍ରିଷ୍ଟିୟାନ୍ ବିଷୟରେ ଲେକିତଣ୍ଟ, ଝେରଣ୍ଟ ବେନ ଆୟିଣ୍ଟ କ୍ରିଷ୍ଟନ୍ ବିନା ଇଶ୍ବରରେ ଗାରେ ଗ୍ରହନ୍ ଆଦାନଙ୍କ ପାର୍‌ଝଣ୍ଟ ୧:୧୫-୨୦ ମେଣ୍ଟେ ନାରୁଡ଼, ଯୁକ୍ତିତଡ଼, ସ୍ଥାପିଡ଼ ଶିକ୍ଷା ମୁଲ୍ୟ ଇନ ଆଦ୍‌ରେ ୨:୮ ।

ବଇତ୍ ଲୋପେ ମାନ୍ଦାନ୍ ମୁକ୍ୟ ବିଷୟ

୧. କଲସୀୟ ମଣ୍ଡଳିତିଙ୍କ ପାଉଲ୍‌ତେ ନମସ୍କାର । ୧:୧-୨
୨. କ୍ରିଷ୍ଟନ୍ ମହାନ୍ ନୁ ମିର୍ ଶିକ୍ଷା ପରୁ ପାଉଲ୍‌ତାଦ୍ ଜବାବ୍ । ୧:୩-୩:୪
୩. ସାୟେ କ୍ରିଷ୍ଟିୟାନ୍ ଜିହୁଣ୍ଡ ବାଦ୍‌କାନ୍ ସେଙ୍ଗେ ପାଉଲ୍‌ତେ ନିର୍ଦ୍ଦେଶ୍ । ୩:୫-୪:୬
୪. ପାଉଲ୍ ଇଦ୍ ଚିତିତିଙ୍କ ବାଗାଡ୍ ମଣ୍ଡଳିନାଗ୍ ମିକା କାର୍‌ୟାନଙ୍କ କେସ୍ ନମସ୍କାର ମାଡି ତେସ୍ମିତ୍ । ୪:୭-୧୮

^୧ ପାଉଲ୍, ଇଶ୍ବରତେ ଇଚ୍ଛା ଲେକାମ୍ କ୍ରିଷ୍ଟ ଜିସୁନ୍ ଖେରଣ୍ଡ ପ୍ରେରିତ, ମେଣ୍ଡେ ମାନ୍ ଦାଦାଲ୍ ତିମତି

^୨ କଲସୀୟତାଗ୍ ମାନ୍ଦାନ୍ ସାଦୁ ନୁ କ୍ରିଷ୍ଟ ବିଶ୍ବାସି ଦାଦାଲ୍‌ତ୍, ନୁ ଏଲ୍ଲାସ୍, ଗାରେ ଇଦ୍ ଚିତି ଲେକିମିନ୍ଦେନ୍ । ମାନ୍ ବାବାଲ୍ ଇଶ୍ବରତାଗାଙ୍କ, ଦୟା ନୁ ଶାନ୍ତି ମାଇ ସେଙ୍ଗେ ଆୟି ।

ଦନ୍ୟବାଦ୍‌ତାଦ୍ ପ୍ରାର୍ଥନା

^୩ ମାମେ ମିଇ ସେଙ୍ଗେ ପ୍ରାର୍ଥନା ମାଡାନ୍ ସମୟତେ ମାନ୍ ପ୍ରବୁ କ୍ରିଷ୍ଟ ଜିସୁନ୍ ବାବାଲ୍ ଇଶ୍ବରତିଙ୍କ ସାରେଦାମ୍ ଦନ୍ୟବାଦ୍ ଇଦୁତମ୍ ।

^୪ ବାତେଙ୍କଇକ୍ ମାମେ କ୍ରିଷ୍ଟ ଜିସୁନାଗେ ମିୟାଦ୍ ବିଶ୍ବାସ୍ ନୁ ଇଶ୍ବରତେ ସାରେ ନାରୁଡ୍, ସେଙ୍ଗେ ମିୟାଦ୍ ପ୍ରେମ ବିଷୟ କେଞ୍ଜିତମ୍ ।

^୫ ବେସୁଙ୍କ୍ ସୁସମାଚାରତେ ନିଜାମ୍‌ତାଦ୍ କାବୁର୍ ମିଇପାକେ ମୁନେଙ୍କ୍ ଖାଡ୍‌ତେ, ମିଡ୍ ଆଦିନ୍ ତଡ୍ ଇଡ୍‌ତାସ୍ ବରସାତାଉ ଗଟି କେଞ୍ଜିମାଡ୍‌ତିଡ୍ । ମିଡ୍ ବାଡ୍ ବରସା ମାଡିତିଡ୍, ବାଡ୍ ମିଇ ସେଙ୍ଗେ ସ୍ବର୍ଗତାଗ୍ ସୁରକ୍ଷିଡ୍, ଆଦିନ୍ ପରୁ ମିଇୟାଦ୍ ବିଶ୍ବାସ୍ ନୁ ପ୍ରେମ ମିନ୍ଦେ ।

^୬ ବେନ୍ ସୁସମାଚାର ପ୍ରଚାରତେ ସେଙ୍ଗେ ମିଡ୍ ମୁନେ ଇଶ୍ବରତେ ଅନୁଗ୍ରହ ବିଷୟ କେଞ୍ଜିତିଡ୍, ନୁ ଇଦିନ୍ ସଡ୍ ଏକା ମାଡ୍‌ତିଡ୍, ଆଦ୍ ସୁସମାଚାର ଇଞ୍ଜେ ସାରେ ଜଗଡ୍‌ତାଗ୍ ଏକାମ୍ ଆଦୁଡ୍ ନୁ ଆଗି ବାଦ୍ ତାଡ୍‌ତେ ।

୭ ☆ମାନ ପାକାଙ୍କ କ୍ରିଷ୍ଟନ୍ ବିଶ୍ୱାସେ ସେବକ୍ ନୁ ମାନ ଗାଟି ପ୍ରିୟ ଏପାପ୍ରା ନାଗାଙ୍କ ମିତ୍ ଇଶ୍ୱରତେ ଇଦ୍ ଅନୁଗ୍ରହ ବିଷୟ ପୁଞ୍ଜି ମିନ୍ଦେଡି ।

୮ ପବିତ୍ରଆତ୍ମା ମିକିଙ୍କ ଇସ୍ମାୟାନ୍ ପ୍ରେମ ବିଷୟ ଅଣ୍ଟି ମାନାଙ୍କ କେସ୍ମିନ୍ଦେନ୍ ।

୯ ଇଦିନ୍ ମାୟୁଦିଙ୍କ ମୀଇ ବିଷୟତେ କେଞ୍ଜାନ୍ ଖେଲେକନ୍ସ ମାମେ ସାରେଦାମ୍ ମିଇ ସେଙ୍ଗେ ପ୍ରାର୍ଥନା ମାଡୁତୁମ୍ । ପବିତ୍ରଆତ୍ମାତଡ୍ ଇସ୍ମାୟାନ୍ ସାରେ ଜ୍ଞାନ ନୁ ପୁନ୍ଦାନ୍ ଶକ୍ତି ତଡ୍ ଇଶ୍ୱରତେ ଇଚ୍ଛା ପୁରା ମିତ୍ ବେଲାନ ପୁନ୍ଦେ ପାର୍ଦ୍ଦତିଡ୍, ଆଦିନ୍ ମାୟୁଦିଙ୍କ ମିଇ ସେଙ୍ଗେ ମାମେ ପ୍ରାର୍ଥନା ମାଡୁତୁମ୍ ।

୧୦ ଆଲେକେ, ମିତ୍ ପ୍ରବୁନ୍ ଇଚ୍ଛା ଲେକାମ୍ ବାଦ୍‌କେ ପାର୍ଦ୍ଦତିଡ୍, ନୁ ଅନାଦ୍ ପସନ୍ଦ ଲେକେଡ୍ କାମ୍ ମାଡେ ପାର୍ଦ୍ଦତିଡ୍ । ମୀୟାଦ୍ ଜିଝେତାଗ୍ ସାରେ ଲେକାଡ୍ ସାୟେଡ୍ କାମ୍ ମାଡେ ପାର୍ଦ୍ଦତିଡ୍, ନୁ ଇଶ୍ୱରତେ ବିଷୟତେ ମିୟାଦ୍ ଜ୍ଞାନ ନାଗେ ଆଦତେ ।

୧୧ ଗାଡ୍‌ସ୍‌ଆସ୍ ମିଇଡ୍ ବେଲାନ କି ସାରେ ବିଷୟ ସୟେମ୍ ମାଡିତିଡ୍, ଅଦିନ୍ ସେଙ୍ଗେ ଅନାଦ୍ ଗୌରବ୍‌ମୟ ଶକ୍ତିତଡ୍ ମିତ୍ ଶକ୍ତି ଆୟୁମୁର୍ ।

୧୨ ବାବାଲ୍ ଇଶ୍ୱର ଖେସିନ୍ ରାଜ୍ୟତାଗ୍ ତାନ୍ ନାରୁଡ୍ ସେଙ୍ଗେ ବାଡ୍ ଲେକେଡ୍ ନେଃଏତଣ୍ଟ୍, ଆଦିନ୍ ବାଗିଦାର୍ ଆଦାନ୍ ସେଙ୍ଗେ ଅଣ୍ଟି ଯେ ମିକିଙ୍କ ଯୋଗ୍ୟ ମାଡୁତନ୍, ଅଦିନ୍ ସେଙ୍ଗେ ଖେଡ୍‌କେତେ ଅଙ୍କ ଦନ୍ୟବାଦ୍ ଇମୁର୍ ।

୧୩ ଅଣ୍ଟି ଇକାଡ୍ ଶକ୍ତିତାଗାଙ୍କ ମାନାଙ୍କ ରକ୍ଷା ମାଡୁତନ୍ ନୁ ବିପଦ୍ ଇଲ୍‌ଖେ ଜାଗେତାଗ୍ ମାନାଙ୍କ ତାନ୍ ପ୍ରିୟ ପ୍ରେମ ମାରିନ୍ ରାଜ୍ୟତାଗେ ତାଡୁତନ୍ ।

୧୪ ☆ଆ ମାରିନ୍ ତଡ୍ ମାନାଡ୍ ମୁକ୍ତି ଆଡ୍‌ତାଡ୍, ଇଡ୍‌କେ ମାନାଦ୍ ପାପ୍ କ୍ଷମା ଆଡ୍‌ତେ ।

କ୍ରିଷ୍ଟ ନୁ ଅନ୍‌ୱାଦ୍ କାମ୍

୧୫ କ୍ରିଷ୍ଟ, ତନ୍‌ଇଲ୍‌ଖେ ଇଶ୍ୱରତେ ତନ୍‌ନ୍ ରୂପ ଲେକାମ୍ । ଅଣ୍ଟି ମୁନେଙ୍କ ପୁଟ୍‌ତେ ମାର୍ ନୁ ସାରେ ସୃଷ୍ଟିତାଗାଙ୍କ ଅଣ୍ଟି ବାଡ୍‌ୟଣ୍ଟ୍ ।

୧୭ ବାତେଙ୍କିକଙ୍କେ ଅନ୍ତତ୍ ଇଶ୍ବର ସ୍ବର୍ଗତାଗ୍ ନୁ ପୃତିବିତାଗ୍ ସାରେ ଦୃଶ୍ୟ ନୁ ଆଦୃଶ୍ୟ ଜିନିଷ, ତେରଞ୍ଚେ ଲେକାଡ୍ ନାଗେଶକ୍ତି, କର୍ତ୍ତାଲତ୍, ଶାସନ୍ ମାଡାନତ୍, ନୁ ସାରେତତ୍ ଅଦିକାରିତକ୍ ତିଆର୍ ମାଡ୍ତନ୍ । ଅନ୍ ତତ୍ ନୁ ଅନ୍ ସେଙ୍ଗେ ଇଶ୍ବର ସାରେ ବିଶ୍ବତିଙ୍କ୍ ତିଆର୍ ମାଡ୍ତନ୍ ।

୧୮ ସାରେ ବିଷୟ ତିଆର୍ତେ ମୁନେଙ୍ଗେ ଅନାଦ୍ ଅସ୍ତିତ୍ବ ମାଡ୍ତେ ନୁ ଅନ୍ ତତ୍ କାଲଲାନ୍ ପେକେ ସାରେ ବିଷୟ ନିଜର୍ ତିଆର୍ତେ ଜାଗାନାଗ୍ ବେଗେତାସ୍ତୁ ଆଗେ ମାଡ୍ତା ।

୧୯ ଅଶ୍ବ ତାନ୍ ଉପାସନା ମଣ୍ଡଲି ଲେକାମ୍ତେ ମେନ୍ଦୁଲ୍ତେ ତାଲ୍ଲେ ଲେକାମ୍; ଆଦ୍ ମେନ୍ଦୁଲ୍ତେ ଅଶ୍ବ ଜିହ୍ବନ୍ ଶକ୍ତି, ତଲ୍ତାଗାଙ୍କ୍ ତେଏଦ୍ତେନଶ୍ ଅଶ୍ବ ମୁନେନ୍ ପୁର୍ତେ ମାର୍ । ଆଦିଙ୍କ୍ ସାରେ ବିଷୟତେ ପ୍ରତମ୍ତେ ପଡିୟେ ଦରକାନ୍ ସେଙ୍ଗେ ଅଶ୍ବ ଯୋଗ୍ୟ ଆଡ୍ତନ୍ ।

୨୦ ବାତେଙ୍କିକଙ୍କେ ଇଶ୍ବରତେ ଇଚ୍ଛାତେ ମାର୍ ନିଜେ ଇଶ୍ବରତେ ପୁରା ରୁପ୍ ପୟ୍ତଶ୍ ।

୨୧ ମାରିନ୍ ତତ୍ ଇଶ୍ବର ସାରେ ବିଶ୍ବତିଙ୍କ୍ ନିଜର୍ ଗାରେ ମାଲ୍ପି ତାତାନଙ୍କ୍ ଇଚ୍ଛା ମାଡ୍ତନ୍ । କୁଶତାଗ୍ ତାନ୍ ମାରିନାଦ୍ ତଲ୍ତାଦିନ୍ ତତ୍ ଇଶ୍ବର ଶାକ୍ତି ମାଡ୍ତନ୍ ମେଣ୍ଡେ ପୃତିବି ନୁ ସ୍ବର୍ଗତାଗ୍ ମାନ୍ଦାନ୍ ସାରେ ବିଷୟତିଙ୍କ୍ ନିଜର୍ ଗାରେ ମାଲ୍ପି ତାଡ୍ତନ୍ ।

୨୨ ଅଶ୍ବୟ୍ ସମୟତେ କାରାପ୍ ଚିନ୍ତା ନୁ କାରାପ୍ କାମ୍ ମାଡ୍ତମାନକା ମିଡ୍ ଇଶ୍ବରତାଗାଙ୍କ୍ ଯେକା ମାଡ୍ତିତ୍, ନୁ ଅନ୍ ଶତ୍ରୁ ମାଡ୍ତିତ୍ ।

୨୩ ଇକେ ଇଞ୍ଜେ ଇଶ୍ବର ମିକିଙ୍କ୍ ପବିତ୍ର, ସିଦ୍ ନୁ ନିର୍ଦୋଷ୍ ଲେକାମ୍ ଅନ୍ ମୁନେ ତାତାନ୍ ସେଙ୍ଗେ ତାନ୍ ମାରିନ୍ ମେନ୍ଦୁଲ୍ ତଲ୍ତାଦିନ୍ ତତ୍ ମିକିଙ୍କ୍ ନିଜର୍ ତତ୍ ମେଣ୍ଡନ୍ଦାମ୍ କାଲ୍ପି ମିୟେଶ୍ ।

୨୪ ମିଡ୍ ଅଶ୍ବୟ୍ ତରୁଙ୍କ୍ ନୁ ନିଜାମ୍ ମୂଲଦୁଆ ପରୁ ତିଆଡ୍ଆସ୍ ମାନ୍ଦୁର୍ ନୁ ସୁସମାଚାର୍ କେଞ୍ଜାନ୍ ଖେଲେ ବେନେ ଆଗେ ଦରକି ମାଡ୍ତେ, ଆଗେଙ୍କ୍ ଦାୟେ ଆଦାନଙ୍କ୍ ନିଜେତିଙ୍କ୍ ପଡ୍ୟି ଇମାର୍ । ଆଦ୍ ସୁସମାଚାର୍ କେ ପୃତିବିତେ ସାରେତତ୍ ଗାରେ ପ୍ରଚାର୍ ଅଦୁଡ୍ ନୁ ନାନ୍ ପାଉଲ୍, ଅନ୍ୱାଦ୍ ଖେରନ୍ ବିଶ୍ବାସ୍ତେ ଦାସନ୍ ।

ମଣ୍ଡଳିତାଗ୍ ପାଉଲ୍‌ତେ କାମ୍

୨୪ ଇଞ୍ଜେ ମି ସେଙ୍ଗେ ବେନ୍ ଦୁଃକାମ୍ କଷ୍ଟ ସେଙ୍ଗେ ନାନ୍ ଝେଡ୍‌କ୍‌ତାନ୍ । ବାତେଙ୍କିକ୍‌କେ ନାୟାଦ୍ ମୋନ୍‌ଲ୍ ଦୁଃକାମ୍ ତଡ୍‌ନାନ୍ କ୍ରିଷ୍ଟନ୍ ମୋନ୍‌ଲ୍ ଲେକାମ୍ ମଣ୍ଡଳି ପାକାଙ୍କ୍ କ୍ରିଷ୍ଟନ୍ ଦୁଃକାମ୍‌ତେ ବାକି ଦୁଃକାମ୍‌ତିଙ୍କ୍ ପୁରା ମାଡାନ୍ ସେଙ୍ଗେ ନାନ୍ ସାହାୟ୍ୟ ମାଡ୍‌ତୁନ୍ ।

୨୫ ମୀଇ ସାୟେଡ୍ ସେଙ୍ଗେ ଇଦ୍ କାମ୍ ମାଡାନ୍ ସେଙ୍ଗେ ନାନ୍ ଇଶ୍‌ବରତଡ୍ ମଣ୍ଡଳିତେ ଝେରନ୍ ଦାସ ଲେକାମ୍ ହେଞ୍ଚି ମିନ୍‌ହେନ୍ । ଅନାଦ୍ ସୁସମାଚାର ପୁରାପୁରି କେତାନାଦ୍ ନାୟାଦ୍ କାମ୍ ।

୨୬ ଆଦ୍ ସୁସମାଚାର ଝେରଡ୍ ଲେକେଡ୍ ବିଷୟ । ଯୁଗ୍‌ଯୁଗ୍ ପଇସ୍ ଇଶ୍‌ବର ସାରେତଡାଗାଙ୍କ୍ ଇଦ୍ ମିଞ୍ଜିସ୍ତି ନେହେସ୍ ମାଡ୍‌ତନ୍, ବାତେଙ୍କିକ୍‌କେ ଇଞ୍ଜେ ତାନ୍ ନାରୁଡ୍‌ପାକେ କେସ୍ ମିନ୍‌ହେନ୍ ।

୨୭ ତାନ୍ ନାରୁଡ୍‌କିଙ୍କ୍ ଆଦ୍ ମିଞ୍ଜିତେ ଗର୍ କେଞ୍ଜିପାନଙ୍କ୍ ଇଶ୍‌ବରତେ ଇଚ୍ଛା ମାଡ୍‌ତେ । ଅନାଦ୍ ଇଦ୍ ନାଗେ ମୁଲ୍ୟ ନୁ ଗୌରବ୍ ଲେକେଡ୍ ଗର୍ ସାରେ ନାରୁଡ୍‌ଜାତିତେ ସେଙ୍ଗେ ଦରକାର୍ । ଇଦ୍ ଗର୍ ଅଦୁଡ୍, କ୍ରିଷ୍ଟ ମୀଇ ଲୋପେ ମିକା ମିନ୍‌ହେନ୍ । ଇଦିନ୍ ଅର୍ଡ, ମିଡ୍ ଇଶ୍‌ବରତେ ଗୌରବ୍‌ତଡି ।

୨୮ ଆଦିନ୍ ସେଙ୍ଗେ ମାନାଡ୍ ସାରେତଡ୍ ପାକେ କ୍ରିଷ୍ଟଙ୍କ୍ ପ୍ରଚାର୍ ମାଡ୍‌ତୁଡ୍ । ସାରେତଡ୍‌କ୍ କ୍ରିଷ୍ଟନ୍‌ତଡ୍ କାଲ୍‌ପି ମିକା ଅଣ୍ଡୟ ଲେକେଡ୍ ନାରୁଣ୍ଡ ଲେକାମ୍ ଇଶ୍‌ବରତେ ମୁନେ ନିଲ୍‌ସ୍ତିତାଡ୍, ମାନାଦ୍ ସାରେ ବୁଦ୍‌ଜାନ ବ୍ୟବହାର୍ ମାଡି, ସାରେତଡ୍‌କ୍ ଚେତନା ନୁ ଶିକ୍ଷା ଇସମିନ୍‌ହେମ୍ ।

୨୯ ଇଦିଙ୍କ୍ ପୁରା ମାଡାନ୍ ମାୟ୍‌ଦିଙ୍କ୍ ନାୟାଗେ ମାୟାନ୍ କ୍ରିଷ୍ଟ ଇଡ୍‌ତେ ମହାନ୍ ଶକ୍ତିତିଙ୍କ୍ ବ୍ୟବହାର୍ ମାଡି ନାନ୍ ଜିଝେ ଅପି ତେଷ୍ଟା ମାଡ୍‌ତୁନ୍ ନୁ ପାଡ୍‌ୟି ମାଡ୍‌ତୁନ୍ ।

୨

୧ ମିଇ ସେଙ୍ଗେ, ଲାଉଦିକିଆତଡ୍ ନାରୁଡ୍ ନୁ ନାକିଙ୍କ୍ ବ୍ୟକ୍ତିଗତ ଲେକାମ୍ ପୁନ୍‌ଝେ ମାୟାନ୍ ସାରେତଡ୍ ନାରୁଡ୍ ସେଙ୍ଗେ ନାନ୍‌ନେ ଯେ ବେସର୍ ନାଗେ ତିପାଲ୍ ପାଡ୍‌ୟି ମାଡ୍‌ତୁନ୍, ଆଦ୍ ମିଡ୍ ପୁନ୍‌ବ୍ ଇଞ୍ଜ ନାନ୍ ଚାହେମ୍ ଆଦୁତାନ୍ ।

୨ ମିତ୍, ସାରେତଡ଼ି ବେଲାକି ସାର୍ବେ ଆଦତିଡ଼, ନିଜେନିଜର୍ ଲପେ ପ୍ରେମତେ ଆବଢ ଆଦତିଡ଼, ନୁ ସଡ଼ ଜ୍ଞାନ ଲାବ୍ ମାଡ଼ି ନିଜାମ୍ ଆଗେ ଲେକାଡ଼ ସମ୍ପତିତେ ପୁରା ଅଦିକାରି ଆଦତିଡ଼, ଇଦ୍ ନାୟାଦ୍ ଇଚ୍ଛା । ଇଦିନ୍ ତଡ଼ ମିତ୍, ସାରେତଡ଼, ପୁନ୍ତିଡ଼, ଯେ, ଜିସୁ କ୍ରିଷ୍ଟକେ ଇଶ୍ବରତେ ମିଞ୍ଜି ମାୟାନ୍ ସଡ଼ ବିଷୟ ।

୩ ଜିସୁ କ୍ରିଷ୍ଟ ଆଦୁତନ୍ ଆଦ୍ କୁସକାୟ, ବାତେ ଇଶ୍ବରତେ ବୁଦ୍ ନୁ ଜ୍ଞାନତେ ଲେକାଡ଼ ସାରେ ମିଞ୍ଜିମାୟାନ୍ ସମ୍ପତିତେ ଗୋଦାମ୍ତିଙ୍କ୍ କୁଲାମାଡ଼ିଦ୍ତେ ।

୪ ବେନ ମିକିଙ୍କ୍ ବେଲାନ୍ କି ଗଟିନ୍ତଡ଼, ବୁଲ୍‌କାମାଡ଼ି ତିପାଲ୍ ମାଡ଼ମାକିଡ଼, ଅଦିନ୍ ସେଙ୍ଗେ ନାନେ ଇଦ୍ କେସ୍ ନେଷଏଡୁତାନ୍ ।

୫ ଯଦି ମେନ୍ଦୁଲ୍ତେ ଇଲ୍‌ଖେ ମାଡ଼କେ ମିକା, ଆମିକତେ ନାନେ ମିଇ ତଡ଼ ମିୟେନ୍ । କ୍ରିଷ୍ଟନ୍ ପରୁ ନାଗେ ବିଶ୍ବାସ ନେହେସ୍ ମିଇଡ଼, ବେଲାନ୍ ସାୟେଡ଼ବୁଦ୍ ଆଦତିଡ଼, ଆଦ୍ ଉଡ଼ି ନାନେ ଖେଡ଼କୁତାନ୍ ।

କ୍ରିଷ୍ଟନାଗେ ପୁରା ଜିଝୁଣ୍ଡ

୬ ବେଲା ମିତ୍, କ୍ରିଷ୍ଟ ଜିସୁଙ୍କ୍ ପ୍ରବୁ ଲେକାମ୍ ଗ୍ରହନ୍ ମାଡ଼ତିଡ଼, ଅନ୍ ତଡ଼ କାଇଲି ଜିଝୁଣ୍ଡ ବାଦକାଟ୍ ।

୭ ମିୟାଦ୍ ସାରେ ଆଗେ ଅନ୍ ପରୁ ଗାଡ଼ସତଡ଼, ନେଷଏସମିକା ଜିଝୁଣ୍ଡ ବାଦକାଟ୍ ନୁ ମିତ୍, ପାଏମ୍ ଆଡ଼ତେ ଶିକ୍ଷା ଲେକାମ୍ ବିଶ୍ବାସତେ ଗାଟି ସାଡ଼ଝାମ୍ ଆୟମୁଟ୍ । ମିୟାଦ୍ ହୃଦୟ ଦନ୍ୟବାଦ୍ ତଡ଼ ନିଶ୍ଚିଆନି ।

୮ ସାବ୍‌ଦାନ୍, ବେନ ବେଲାନ୍ ମିକିଙ୍କ୍ ନାରୁଡ଼ାଦ୍ ବୁସାତାଝୁ ଆଙ୍ଗଡ଼ାଡ଼ ଜ୍ଞାନ ତଡ଼ ବୁସା ମାଡ଼ମାକିଡ଼ । ଆଦ୍ ସାରେ ଜ୍ଞାନ କ୍ରିଷ୍ଟନ୍ ଶିକ୍ଷାତାଗାଙ୍କ୍ ଝାଡ଼ଖେ ମାନ୍ତେ । ଆଦ୍ ନାରୁଡ଼ ସମାଜତାଦ୍ ପରମ୍ପରା ଶିକ୍ଷା ନୁ ବିଶ୍ବତେ ପରୁ ଶାସନ୍ ମାଡ଼ ମାୟାନ୍ ମେନ୍ଦୁଲ୍ ଇଲ୍‌ଖେ ଶକ୍ତିକିନ୍ ଶିକ୍ଷାତାଦ୍ କାୟେ ।

୯ ମାତର୍ ନାରୁଣ୍ଡ ଲେକାମ୍ କ୍ରିଷ୍ଟନାଗେ ସ୍ବର୍ଗୀୟସମ୍ପତି ଲେକାଡ଼ ଗୁନାମ୍ ନାଗେ ନିଶ୍ଚି ମିୟେ ।

୧୦ ଅନ୍ ତଡ଼ କାଇଲି ମାୟାନ୍ ମାୟଦିଙ୍କ୍ ମାଡ଼ ଜିଝେତାଦ୍ ପୁରା ଲାବ୍ ମାଡ଼ତିଡ଼ । ବାଗାଡ଼ ସାରେ ଶକ୍ତି ନୁ ଶାସନ୍ ପରୁ କ୍ରିଷ୍ଟନାଦ୍ ଶାସନ୍ କେ ସାରେତିଙ୍କ୍ ବାଡ଼ୟେ ।

୧୧ କ୍ରିଷ୍ଟନ୍‌ତଡ଼, କାଲିଲି ମାନ୍ଦାନ୍ ଜିହ୍ଵା କେ ମିୟାଦ ସୁନ୍ନତ ଲେକାମ୍ । ଇଦ୍ ସୁନ୍ନତ ନାରୁଡ଼, ମାଡ଼ତାଦ୍ ଆୟ, ଆଦ୍ କ୍ରିଷ୍ଟନ୍‌ ତଡ଼, ମିୟେ । ଆଦ୍ ନାରୁଡ଼କ୍ ପାପାମ୍ ମେନ୍ଦୁଲ୍ ତାଗାଙ୍କ୍ ମୁକ୍ତି ଇଦ୍‌ତେ ।

୧୨ ☆ବାତେଙ୍କ୍‌ଇକ୍‌ଏ ଷ୍ଟମୁଡ଼କ୍‌କେ ମିଡ଼, କ୍ରିଷ୍ଟନ୍‌ ତଡ଼, ସମାଦି ପାଏମ୍ ଆସ୍‌ମାଡ଼ତିଡ଼, ନୁ ଜିସୁ କ୍ରିଷ୍ଟଙ୍କ୍ ତେଏସ୍ ମାନ୍ଦାନ୍ ଇଶ୍ଵରତେ ଶକ୍ତିତାଦ୍ ବିଶ୍ଵାସ୍ ମାଡ଼ାନ୍ ତଡ଼, କ୍ରିଷ୍ଟନ୍‌ ତଡ଼, ମିଡ଼ମିକା ତେଏଦ୍‌ତିଡ଼, ।

୧୩ ☆ମିୟାଦ୍ ପାପାମ୍ ସେକ୍‌କେ ନୁ ମିଡ଼, ନିୟମ୍ ଇଲ୍‌କ୍‌ସେ ଅଶକ୍‌ହୁଦୀ ମାଡ଼ତାଙ୍କ୍ ଅଣ୍ଡୟ ଦାମ୍ ମିଡ଼, ଆଦ୍ୟାମିକ୍ ଲେକାମ୍ ତଲି ମାଡ଼ତିଡ଼; ଇକ୍‌କେ ଇଶ୍ଵର ଇଞ୍ଜେ କ୍ରିଷ୍ଟନ୍‌ ତଡ଼, ମିକିଙ୍କ୍ ଜିଞ୍ଜେ ମାଡ଼ତନ୍ । ଇଶ୍ଵର ମାନାଙ୍କ୍ ସାରେ ପାପାମ୍ କ୍ଷମା ମାଡ଼ତନ୍ ।

୧୪ ☆ଅଣ୍ଡ ମାନ୍ ବିରୁଦ୍‌ତେ ମାନ୍ଦାନ୍ ନିୟମ୍‌ତେ ଦଲିଲ୍ ନୁ ଇଦିନ୍ ବିଦିବିଦାନ୍‌ତିଙ୍କ୍ କୁଶତାଗ୍ ନଷ୍ଟ ମାଡ଼ତଣ୍ ।

୧୫ ମେଣ୍ଡ ଆଦ୍ କୁଶ ପରୁ କ୍ରିଷ୍ଟ ସାରେଲେକାମ୍ ଶକ୍ତି ନୁ ଅଦିକାର୍ ତାଗାଙ୍କ୍ ନିଜେତିଙ୍କ୍ ମୁକ୍ତି ମାଡ଼ତନ୍ ନୁ ଅଡ଼କିଙ୍କ୍ ବନ୍ଦି ମାଡ଼ି ନିଜେ ଜିଡ଼ି ଆଦାନ୍‌କ୍‌କେଲେ ସାରେତଡ଼, ମୁନେ ଅଡ଼କିଙ୍କ୍ ସିଗ୍ ଖେରସ୍ତତଣ୍ ।

୧୬ ☆ଆଦିଙ୍କ୍ ବେନ ମିୟାଦ୍ ତିୟାନାଦ୍, ଉୟାନାଦ୍, ପବିତ୍ର ଦିନାମ୍ ବା ଆମାସ୍ ପାଣ୍ଡୁ, କି ରମାନ୍ ଦିନେ ବିଷୟତେ ବାଡ଼ବା ନିୟମ୍ ତିଆର୍ ମାଡ଼ମାକିଡ଼ ।

୧୭ ଆସ୍ତ୍ର ସାରେ ମାଡ଼ର୍ ବବିଷ୍ୟତ୍‌ତେ ଗଟେମ୍ ଆଦାନଙ୍କ୍ ଆଦାନାଦ୍ ବିଷୟତେ ନିଡ଼କେ ଲେକାମ୍ । କ୍ରିଷ୍ଟକେ ସାରେତିଙ୍କ୍ ସଡ଼ ।

୧୮ ବେନଡ଼, ବିଶେଷ୍ ଦର୍ଶନ୍, ବାୟ୍‌ଦେ ସାୟେତଣ୍ ନୁ ଦୂତ ପୂଜା ପରୁ ଗୁରୁଡ଼ ଇସ୍ ଗର୍ବ ମାଡ଼ିତଡ଼, ଅଡ଼କିଙ୍କ୍ ଉଡ଼ି ମିଡ଼, ନିଜେତିଙ୍କ୍ ସୁଦୁର୍ ଏକା ମାଡ଼ମାଟ୍ । ଇଦ୍‌ଲେକାମ୍ ନାରୁଡ଼, ନିଜେତିଙ୍କ୍ ନାରୁଡ଼, ଚିନ୍ତାତଡ଼ ଆଙ୍ଗଡ଼ାଡ଼ ଗର୍ବତାଗ୍ ଗର୍ବାଆସ୍ ମାନ୍‌ତଡ଼ ।

୧୯ ☆ମେନ୍ଦୁଲ୍‌ତେ ତାଲେ ଇନା କ୍ରିଷ୍ଟନାଗାଙ୍କ୍ ଅଡ଼, ଖେରେ ଆଡ଼ତଡ଼, । ଅନ୍ ନିୟନ୍ତ୍ରଣତେ କାଲିକ୍ ଡେକା କାୟ୍‌ଲି ନୁ ନାରାସ୍ ତଡ଼, ତାମ୍‌ତାମ୍

☆ ୨:୧୨ ରୋମାୟ ୬:୪. ☆ ୨:୧୩ ଏଫିସିୟ ୨:୧-୫. ☆ ୨:୧୪ ଏଫିସିୟ ୨:୧୫.

☆ ୨:୧୬ ରୋମାୟ ୧୪:୧-୬. ☆ ୨:୧୯ ଏଫିସିୟ ୪:୧୭.

ଲୋପେ କାୟଲି ଲେକେଡ୍ ଆଦତା ମେଣ୍ଡେ ମେନ୍ଦୁଲ୍ ଇଶ୍ବରତେ
ଇଚ୍ଛାତେ ପେରସିଡ୍ ।

କ୍ରିଷ୍ଟନ୍ ତଡ୍ ତଲିକାଡ୍ ବା ଗେଲସିକାଡ୍

^{୨୦} ମିଡ୍ କ୍ରିଷ୍ଟନ୍ ତଡ୍ ତଲିକାଡ୍ ନୁ ଇଦ୍ ପୁତିବି ପରୁ ଶାସନ୍
ମାଡ଼ମାନ୍ଦାନ୍ ଶକ୍ତିକିନ୍‌ଗାଙ୍କ୍ ମୁକ୍ତି ଲାବ୍ ମାଡ଼ଡିଡ୍ । ଆଲେକ୍
ବାଡ଼ତିଙ୍କ୍ ମିଡ୍ ଜଗଡ଼ତେ ନାରୁଡ଼କିନ୍ ଲେକାମ୍ ଜିଝେ କାଟେମ୍
ଆଦୁଡିଡ୍ ? ବାଡ଼ତିଙ୍କ୍ ମିଡ୍ ଇଦ୍‌ଲେକାଡ୍ ନିୟାମ୍ ସାରେ ପାଲନ୍
ମାଡ଼ଡିଡ୍,

^{୨୧} ଇଡ଼କେ “ଇଦ୍ ପୟମାଟ୍, ଆଦ୍ ତିନ୍‌ମାଟ୍, ଆଦ୍ ଇଟ୍‌ମାଟ୍ ?”

^{୨୨} ଇଝୁସାରେ ବିଷୟ ସେନେକ୍ତିଙ୍କ୍ । ଇଦ୍ ବ୍ୟବହାର୍ ଆଦାନ୍
ସାଙ୍ଗେ ସାଙ୍ଗେ ମୁଲ୍ୟହିନ୍ ଆଦତା । ଇଝୁ ସାରେ ନାରୁଡ଼, ତିୟାର୍
ମାଡ଼ତାଝୁ ନିୟମ୍ ନୁ ଶିକ୍ଷା ।

^{୨୩} ଆଲେନ୍ ସ୍ବର୍ଗତୁତନ୍ ପୁଜା, ବାୟଦେ ସାୟେତଣ୍ଡୁ ନୁ ଆମ୍‌ତିଙ୍କ୍
କଷ୍ଟ ଇଲ୍‌ଝେ ପାଡ଼ୟି ସେଙ୍ଗେ କେସମାନ୍ଦାନ୍ ଇଝୁ ସାରେ ନିୟମ୍
ନାର୍ଗେ ଜ୍ଞାନ୍ ମିନ୍ଦେ ଇଞ୍ଜ ମନେ ଆଦତେ, ଇଡ଼କେ ମେନ୍ଦୁଲ୍‌ତେ
ଲାଲସା ପାଡ଼ୟି ତଲାନ୍ ସେଙ୍ଗେ ଇଝୁ ପାର୍‌ଝ ।

୩

^୧ ମିଡ୍ କ୍ରିଷ୍ଟନ୍ ତଡ୍ ତଲିକାଗାଙ୍କ୍ ତେଏଦ୍‌ତିଡ୍ । ଆଦିଙ୍କ୍ ସ୍ବର୍ଗତେ
ବିଷୟ ସେଙ୍ଗେ ମାନ୍‌ମାଡ଼ାଟ୍, ବାତେଙ୍କ୍‌ଇକ୍ କ୍ରିଷ୍ଟ ସ୍ବର୍ଗତାଗେ
ଇଶ୍ବରତେ ତିନ୍ଦେ ପାକେ କୁଦି ମିନ୍ଦେନ୍ ।

^୨ ପୁତିବି ବିଷୟ ସେଙ୍ଗେ ମନ୍ ଇଞ୍ଜକଟ୍ ସ୍ବର୍ଗତେ ବିଷୟ ସେଙ୍ଗେ
ମନ୍ ଇମୁଟ୍,

^୩ ବାତେଙ୍କ୍‌ଇଡ଼କେ ମିଡ୍ ତଲିକାଡ୍ ନୁ କ୍ରିଷ୍ଟନ୍ ତଡ୍ ମିୟାଦ୍ ଜିଝେ
ଇଶ୍ବରତାଗେ ମିଞ୍ଜି ମିନ୍ଦେ ।

^୪ କ୍ରିଷ୍ଟକେ ମିଲ୍ ଜିଝୁଣ୍ଡୁ ନୁ ଅଣ୍ଡ ବେସୁଙ୍କ୍ ତନ୍‌ତିତଣ୍ଡୁ, ଆସୁଙ୍କ୍ ମିଡ୍
ମିକା ଅନାଦ୍ ଗୌରବ୍ ତଡ୍ ତନ୍‌ତିଡିଡ୍ ।

ପାଃତେ ନୁ ପୁଃନେ ଜିଝୁଣ୍ଡୁ

୫ ମିଛ ଜିଞ୍ଜେଡ଼ ଲୋପେ ପାଙ୍ଗ ମାଡ଼ାନ୍ ଜଗଡ଼ତେ ପାଡ଼ନ୍ତି ଆଡ଼ତେ-ଲାଲସା, ପିନ୍ଧଲାଦ୍, ଇନ୍ଦ୍ରିୟଶକ୍ତି, କୁଆବିଲାଷ ନୁ ଲୋଡ଼ତିଙ୍କ ମିଡ଼ ବିନାଶ ମାଡ଼ାଟ୍ । ଲୋବ ପୁଡ଼ଲାମ୍ ପୁଜାତେ ଝେରଡ଼, ରୁପ୍ ।

୬ ଇଝୁସାରେ ନାଗେ ମାୟିମାଞ୍ଜ ବେନଡ଼, ଇଶ୍ବରତିଙ୍କ ମାନେମ୍ ଆୟଡ଼, ଅଡ଼ ପରୁ ଇଶ୍ବରତେ କପାମ୍ ନାଗେ ଆଦତେ ।

୭ ଅଶ୍ବଦିନେ ମିଛଡ଼, ଇଝୁ ସାରେ କାରାପ୍ ପାଙ୍ଗାନାଗ୍ ମାଞ୍ଜ ଜିଝୁଶ୍ ବାଦକ ମାଡ଼ତିଡ଼ ।

୮ ଇଡ଼କେ ଇଞ୍ଜେ ମିକିଙ୍କ କପାମ୍, ହିଂସା, ପାସ୍‌କାନାଦ୍, ଇସତାଝୁ ଝିଡ଼ସାନଙ୍କ ଆଦତେ । ମିଡ଼ ଅପମାନ୍ ଗଟି ବା କାରାପ୍ ଗଟି ବେସୁଙ୍କ କେଲ୍‌ମାଟ୍ ।

୯ ☆ ନିଜେ ନିଜର୍ ଲପେ ମିଡ଼ କେଲ୍‌ମାଟ୍, ବାତେଙ୍କ ଇକ୍ସେ ମିଡ଼ ପାଃନ୍ତେ ଅବ୍ୟାସ୍ ନୁ ବ୍ୟବହାର ଝିଡ଼ସ୍‌ତିଡ଼,

୧୦ ☆ ମେଣ୍ଡେ ପୁଃନେ ଅବ୍ୟାସ୍ ପୟଡ଼ତିଡ଼ । ନାରୁଡ଼ାଝୁ ଇଝୁ ପୁନାଝୁ, ସୃଷ୍ଟିକର୍ତ୍ତାଙ୍କ ଇଶ୍ବର ନିଜେ ନିଜର୍ ଲେକାମ୍ ବାରମ୍ବାର ତିୟାର ମାଡ଼ତୁନ୍ । ଇଦିନ୍ ସେଙ୍ଗେ ମିଡ଼ ଅନ୍ ବିଷୟତେ ସାରେଲେକାଡ଼ ଞାନ ପାଏମ୍ ଆଦୁତିଡ଼ ।

୧୧ ପେକେ, ଇହୁଦିଡ଼, ଅଣଇହୁଦୀଡ଼, ସୁନ୍ନତ ନୁ ଅସୁନ୍ନତ, ନିଷ୍ଠରୁ, ବୟଙ୍କକାର, କ୍ରିତଦାସ ବା ସ୍ବାଦିନ୍ ନାରୁଶ୍ ଲପେ ମେଣ୍ଡେ ବାଡ଼ବା ଝେରେ ଇଲେ । ଇଡ଼କେ କ୍ରିଷ୍ଟ ସାରେତଡ଼ାଗେ ମିନ୍ଦେନ୍ ନୁ ଅଶ୍ ଆଦୁତନ୍ ସାରେ ।

୧୨ ☆ ମିଡ଼ ଇଶ୍ବରତେ ନାରୁଡ଼ି । ଅଶ୍ ମିକିଙ୍କ ପ୍ରେମ ମାଡ଼ି ନିଜେଡ଼ ସେଙ୍ଗେ ଏଞ୍ଚି ମିନ୍ଦେନ୍ । ଆଦିଙ୍କ ମିଡ଼ କରୁଣା, ଦୟା, ନମ୍ରତା, ଲେକେଡ଼ ଜିଞ୍ଜେଡ଼ଶ୍ ନୁ ଗାଡ଼ସ୍‌ତାଝୁ ଚକା କେର୍ମୁଟ୍ ।

୧୩ ☆ ନିଜର୍ ନିଜର୍ ଲପେ ଦୟା ମାଡ଼ାଟ୍ ନୁ ଯଦି ବେନନ୍ ମେଣ୍ଡେ ଅରଡୁନ୍ ବିରୁଦ୍ଧତେ କେତାନାଦ୍ ମାନ୍ତ୍ରେ, ଆଲେକେ ନିଜର୍‌ନିଜର୍ ଲପେ କ୍ଷମା ମାଡ଼ାଟ୍ ।

☆ ୩:୯ ଏପିସିୟ ୪:୨୨.

☆ ୩:୧୦ ଏପିସିୟ ୪:୨୪.

☆ ୩:୧୨ ଏପିସିୟ ୪:୨.

☆ ୩:୧୩ ଏପିସିୟ ୪:୩୨.

୧୪ ମେଣ୍ଡେ ଇଝୁ ସାରେ ଗୁଣାମ୍ ତଡ଼୍ ପ୍ରେମତିଙ୍କ କାଲ୍‌ପାଟ୍ । ପ୍ରେମ ସାରେ ବିଷୟତିଙ୍କ ପୁରା ମାଡ଼ି ଅଣ୍ଡୟତାଗ୍ ମାଡ଼ିତ୍ ।

୧୫ କ୍ରିଷ୍ଣ ଇଡ଼ତେ ଶାନ୍ତି ମିୟାଦ୍ ଆଲ୍‌ସାନାଦିଙ୍କ ଚାଲା ମାଡ଼ି; ବାତେଙ୍କିକେ ଇଦ୍ ଶାନ୍ତି ସେଙ୍ଗେ ଇଶ୍ବର ମିକିଙ୍କ ଅଣ୍ଡୟତାଗ୍ ଅଣ୍ଡୟ ମେନ୍ଦୁଲ୍ ଆଦାନ୍ ସେଙ୍ଗେ କାର୍‌ଜିମିନ୍ଦେନ୍ । ସାରେଦାମ୍ ଦୟା ଆୟ୍‌ମୁଟ୍ ।

୧୬ ☆କ୍ରିଷ୍ଣନ୍ ଗଟିନେ ନାଗେ ତେରୁଖେ ଲେକେଡ଼ ଗଟି ମିଇ ହୃଦୟତାଗେ ମାନି । ଜ୍ଞାନତଡ଼୍ ନିଜରନିଜର୍ ଲୋପେ ଶିକ୍ଷା ନୁ ପରାମର୍ଶ ଇମୁଟ୍ । ପାଟେ, ସୁଡ଼ି ନୁ କୀର୍ତ୍ତନ୍ ମାଡ଼ାଟ୍ । ହୃଦୟତେ ଦୟା ତଡ଼୍ ଇଶ୍ବରତେ ସେଙ୍ଗେ ପାଟେ, ପାରାଟ୍ ।

୧୭ ମିଡ଼୍ ବାକ୍ୟ ବା କାମ୍‌ତାଗ୍ ବାତେ ବା ମାଡ଼ିତଡ଼୍, ଆଦ୍ ସାରେ ପ୍ରବୁ ଜିସୁନ୍ ପେଦେରତେ ମାଡ଼ି ବାବାଲ୍ ଇଶ୍ବରତିଙ୍କ ଦନ୍ୟବାଦ୍ ଇମୁଟ୍ ।

ପୁନେ ଜିଝୁଣ୍ଡତାଗ୍ ନିଜର୍ ସମ୍ପର୍କ

୧୮ ☆ଅ ନାଟାନଡ଼ି, ମିଇ ମୁଦ୍‌ପାଲଡ଼୍ ତଡ଼୍ କାୟ୍‌ଲି ମାନୁଟ୍, ବାତେଙ୍କି ଇକେ ପ୍ରବୁ ଜିସୁ କ୍ରିଷ୍ଣନ୍ ନାରୁଣ୍ଡ ଇନା ଇଦ୍ ମିୟାଦ୍ ପାଡ଼ିୟି ।

୧୯ ☆ଅ ମୁଦ୍‌ପାଲଡ଼ି, ମିୟାଝୁ ମୁତେକିଙ୍କ ପ୍ରେମ ମାଡ଼ାଟ୍ । ଆଖିଙ୍କ କାରାପ୍ ବ୍ୟବହାର ମାଡ଼ମାଟ୍ !

୨୦ ☆ପିଲାନଡ଼ି, ସାରେଦାମ୍ ମିଡ଼୍ ମିଇ ଯାୟବାବଡ଼୍ ଗଟି କେଜାଟ୍ । ଇଦ୍ ମିୟାଦ୍ କ୍ରିଷ୍ଣିୟାନ୍ ପାଡ଼ିୟି, ବାତେଙ୍କି ଇକେ ଇଗେ ଇଶ୍ବର ଖେଡ଼କେ ଆଦତନ୍ ।

୨୧ ☆ଅ ଯାୟବାବାନଡ଼ି, ମିୟାଝୁ ପିଲାକିଙ୍କ କିତ୍ରା ମାଡ଼ମାଟ୍ । ବାତେଙ୍କିକେ ଇଦିନ୍ ମାୟ୍‌ଦିଙ୍କ ଅଡ଼୍ ସାରଦେ ଆୟଡ଼୍ ।

୨୨ ☆ଅ ଗଟିନଡ଼ି, ସାରେ ବିଷୟତାଗେ ମୀଇ ମାଲିକିଡ଼୍ ଗଟି କେଜାଟ୍ । ମାତର୍ ଅଡ଼୍ ମିଇ ପର କଣ୍ଡେ ଖାଟିମାନ୍ଦାନ୍ ଖେଲେ ଅଡ଼୍‌କିଙ୍କ ସାରଦେ ମାଡ଼ାନ୍ ସେଙ୍ଗେ ଆୟ୍, ମାତର୍ ପ୍ରବୁନ୍ ସେଙ୍ଗେ ମିୟାଦ୍ ବକ୍ତି ସେଙ୍ଗେ ସରଲ୍ ହୃଦୟତେ ଇଦ୍ ମାଡ଼ାଟ୍ ।

☆ ୩:୧୬ ଏଫିସିୟ ୫:୧୯, ୨୦. ☆ ୩:୧୮ ଏଫିସିୟ ୫:୨୨; ୧ ପିତର୍ ୩:୧. ☆ ୩:୧୯ ଏଫିସିୟ ୫:୨୫; ୧ ପିତର୍ ୩:୭. ☆ ୩:୨୦ ଏଫିସିୟ ୬:୧. ☆ ୩:୨୧ ଏଫିସିୟ ୬:୪. ☆ ୩:୨୨ ଏଫିସିୟ ୬:୫-୮.

୨୩ ମିତ୍, ବାତେ ମାଡ଼ିତିଡ଼, ଆଦ୍ ନାରୁଡ଼, ସେଙ୍ଗେ ମାଡ଼କଟ୍ ଇଶ୍ବରତେ ସେଙ୍ଗେ ମାଡ଼ଡ଼ିଡ଼, ଇଞ୍ଜ ଏକେ ମାଡ଼ ପୁରା ଜିଝୁଣ୍ଡ ଅପି ମାଡ଼ାଟ୍ ।

୨୪ ଏକେ ନେହେମୁଟ୍, ଇଶ୍ବର ତାନ୍ ନାରୁଡ଼, ସେଙ୍ଗେ ବାତେ ନେଃଏଡ଼ଣ୍ଡ, ଆଦ୍ ଅଣ୍ଡ ମିକିଙ୍ଗ୍ ପୁରସ୍ସାର୍ ଲେକାମ୍ ଇଦ୍ତଣ୍ଡ । ବାତେଙ୍ଗ୍‌ଇକ୍ରେ କ୍ରିଷ୍ଟକେ ମିୟାଦ୍ ନିଜାତଣ୍ଡ ପ୍ରବୁ, ବେନନାଦ୍ ସେବା ମିଡ଼୍ ମାଡ଼ଡ଼ିଡ଼ ।

୨୫ ☆ମେଣ୍ଡେ ସାରେ କାରାପ୍ ନାରୁଡ଼ ଅନାଦ୍ ଅପ୍‌ଝାଦ୍ ପାଡ଼ୟି ସେଙ୍ଗେ ଦଣ୍ଡ ଦରକିଡ଼, ବାତେଙ୍ଗ୍‌ଇକ୍ରେ ଇଶ୍ବର ବେନନ୍ ପାକେ ଆୟ୍‌ଝେ ସାରେତଡ଼କିଙ୍ଗ୍ ବିଚାର୍ ମାଡ଼ିତଣ୍ଡ ।

୪

୧ ☆ମାଲିକିଡ଼, ମୀଇ ଦାସନଡ଼ ସେଙ୍ଗେ ଟିକ୍ ନୁ ନ୍ୟାୟ ବ୍ୟବହାର୍ ମାଡ଼ାଟ୍ । ଏକେ ନେହେମୁଟ୍, ସ୍ବର୍ଗତାର୍ ମିୟାଦ୍ ମିକା ଝେରଣ୍ଡ ପ୍ରବୁ ମିନ୍ଦେଣ୍ଡ ।

ବାଡ଼ବାଡ଼ ଉପଦେଶ୍

୨ ସାରେଦାମ୍ ପ୍ରାର୍ଥନାତଡ଼ ବାଦ୍‌କାଟ୍ ନୁ ଇଶ୍ବରତେ ଦନ୍ୟବାଦ୍ ଲେକାମ୍ ପ୍ରାର୍ଥନାତାର୍ ତିଆର୍ ଆସ୍ ମାନୁଟ୍ ।

୩ କ୍ରିଷ୍ଟନାଦ୍ ସାରେ ବାକ୍ୟ ପ୍ରଚାର୍ ମାଡ଼ାନଙ୍ଗ୍ ବେଲାନ୍ ଇଶ୍ବର ମାନାଙ୍ଗ୍ ସୁଯଗ୍ ଇଦ୍ତନ୍, ଅଦିନ୍ ସେଙ୍ଗେ ମିକା ପ୍ରାର୍ଥନା ମାଡ଼ାଟ୍ । ବେନ୍ ଗଟ୍ ପ୍ରଚାର୍ ମାଡ଼ତାଙ୍ଗ୍ ନାନେ ଇଞ୍ଜେ ବନ୍ଦିଲୋଡ଼ତାର୍ ମିନ୍ଦେନ୍,

୪ ମେଣ୍ଡେ ପ୍ରାର୍ଥନା ମାଡ଼ାଟ୍, ବେଲାନ୍ ନାନେ ଲେକେଡ଼ ନୁ ଟିକ୍ ଆଦ୍ ପ୍ରଚାର୍ ମାଡ଼େ ପାର୍‌ଦତାନ୍ ।

୫ ☆ସାରେ ସୁଯୋଗ୍ ଲେକେଡ଼ ବ୍ୟବହାର୍ ମାଡ଼ି ଅବିଶ୍ବାସୀନଡ଼, ଗାରେ ବୁଦ୍‌ତଡ଼ ଡିର୍‌ୟାଟ୍ ।

୬ ମିୟାଝୁ ଗୋଟି ସାରେଦାମ୍ ଲେକେଡ଼ ମିଙ୍ଗ୍‌ତାଝୁ ନୁ ମାନ୍‌ଝାଡ଼ତେ ଲେକେଡ଼ ଗଟି ଆୟି । ସାରେତଡ଼କିଙ୍ଗ୍ ବେଲାନ୍ ଟିକ୍ ଉତ୍ତର୍ ଇଦେ ପାର୍‌ଦତିଡ଼, ଇଝୁ ଗୋଟି ମିଡ଼୍ ପୁନ୍ଦାନ୍ ଦରକାଡ଼ ।

ମାଡ଼େଇଁତାଦ୍ ନମସ୍କାର

୭ ✠ପ୍ରଭୁନ୍ କାମ୍‌ତେ ବିଶ୍ୱସ୍ତେ ମାନ୍ୟାନତ୍, ସେବକ୍ ନୁ ନା ତତ୍‌ଦେନତ୍, ପ୍ରିୟ ଦାଦାଲ୍ ତୁକିକ ନା ବିଷୟତେ ମିକିଙ୍କ୍ ସାରେ ବିଷୟ କେଞ୍ଜିପିତତ୍ ।

୮ ମାମେ ବେଲାନ୍ ମିନ୍ଦେମ୍, ସାରେ ବିଷୟ କେସ୍ ମିକିଙ୍କ୍ ସାର୍‌ଦେ ଇଦାନ୍ ସେଙ୍ଗେ ନାନେ ଅଡ଼କିଂଙ୍କ୍ ମୀଇ ଗାରେ ରଅତୁତାନ୍ ।

୯ ✠ଅନ୍ ତତ୍‌ମୀଇ ମାନ୍ଦେ ମିନ୍ଦେ ପ୍ରିୟ ବିଶ୍ୱାସି ଦାଦାଲ୍ ଅନିସିମସ୍ ମିକା ଆଦୁତନ୍ । ଅଡ଼ମିକିଙ୍କ୍ ଇଗେ ଗଟେମ୍ ଆସମାନ୍ଦାନ୍ ସାରେ ଗଟି କେଞ୍ଜିପିତତ୍ ।

୧୦ ✠ନା ତତ୍‌ବନ୍ଦି ଆସମାନ୍ଦାନ୍ ଆରିସ୍ତାକ୍ ନୁ ଅନ୍ ତତ୍‌ବର୍ଣ୍ଣବାନ୍ କୁଟ୍‌ମାମ୍ ମାର୍କ ମିକା ମିକିଙ୍କ୍ ନମସ୍କାର ଜଣାମାଡ଼ୁତନ୍ । ମାର୍କ ମୀଇ ଗାରେ ଆଡ଼କେ ଅଙ୍କ୍ ସ୍ୱାଗତ୍ ମାଡ଼ାଟ୍ । ଇଦ୍ ନିର୍ଦ୍ଦେଶ ମିକିଙ୍କ୍ ମୁନେଙ୍କିକିଞ୍ଜି ଇଡ଼ତତ୍ ।

୧୧ ଯୁସ୍ତ ପେଦେରତେ ପୁଞ୍ଜିମାନ୍ଦାନ୍ ଯିହୋଶୁୟ ମିକା ନମସ୍କାର କେଞ୍ଜିପୁତନ୍ । କ୍ରିଷ୍ଟ ଦର୍ମ ଗ୍ରହଣ ମାଡ଼ିମାନ୍ଦାନ୍ ମାତର୍ ଇଡ଼୍ ମୁଞ୍ଜୁଡ଼୍, ଇହୁଦୀ ଇଶ୍ୱରତେ ରାଜ୍ୟ ସେଙ୍ଗେ ନା ତଡ଼ିନତ୍, ଆସ୍ ନାକିଙ୍କ୍ ଗାଟି ସାହାଯ୍ୟ ମାଡ଼ିତତ୍ ।

୧୨ ✠ମୀଇ ମାନ୍ଦେତେ ମେଣ୍ଟେ ଅର୍ତୁଣ୍ଟ୍ ସବ୍ୟ ନୁ କ୍ରିଷ୍ଟ ଜିସୁନ୍ ସେବକ୍ ଏପାପ୍ରା ନମସ୍କାର କେଞ୍ଜିପୁତନ୍ । ଇଶ୍ୱରତେ ଇଚ୍ଛାତେ ସାରେ କେଞ୍ଜି ମୀଇଡ଼୍ ବେଲାନ୍ ବୟସ୍କା ନୁ ଗାଡ଼ସ୍ କ୍ରିଷ୍ଟ ବିଶ୍ୱାସିଡ଼୍ ଲେକାମ୍ ଡାଟାମ୍ ଲେକାମ୍ ନିତେ ପାର୍‌ଦତେ, ଆଦିନ୍ ସେଙ୍ଗେ ଅଣ୍ଟ୍ ସାରେଦାମ୍ ଇଶ୍ୱରତେ ଗାରେ କେୟିକେୟି ପ୍ରାର୍ଥନା ମାଡ଼ିମିନ୍ଦେଡ଼୍ ।

୧୩ ମୀଇ ସେଙ୍ଗେ, ଲାଉଦିକିଆ ନୁ ହିଏରାପଲିତେ ନାରୁଡ଼୍ ସେଙ୍ଗେ ଅଣ୍ଟ୍ ମାଡ଼ିମାନ୍ଦାନ୍ ଗାଟି ତିପାଲ୍ ପାଡ଼୍‌ୟି ବିଷୟତେ ନାନ୍ ନିଜେ ସାକ୍ଷ୍ୟ ଇସମିନ୍ଦେନ୍ ।

୧୪ ✠ପ୍ରିୟ ଡାକ୍ଟର୍ ଲୁକ ନୁ ଦୀମା ମିକିଙ୍କ୍ ନମସ୍କାର କେଞ୍ଜିପୁତତ୍ ।

✠ ୪:୭ ପ୍ରେରିତ ୨୦:୪; ୨ ତୀମତି ୪:୧୨. ✠ ୪:୭ ଏଫିସିୟ ୬:୨୧,୨୨. ✠ ୪:୯ ଫିଲିମୋନ୍ ୧:୧୦-୧୨. ✠ ୪:୧୦ ପ୍ରେରିତ ୧୯:୨୯; ୨୭:୨; ଫିଲିମୋନ୍ ୧:୨୪; ପ୍ରେରିତ ୧୨:୧୨,୨୫; ୧୩:୧୩; ୧୫:୩୭-୩୯. ✠ ୪:୧୨ କଲସୀୟ ୧:୭; ଫିଲିମୋନ୍ ୧:୨୩. ✠ ୪:୧୪ ୨ ତୀମତି ୪:୧୧; ଫିଲିମୋନ୍ ୧:୨୪; ୨ ତୀମତି ୪:୧୦; ଫିଲିମୋନ୍ ୧:୨୪.

୧୫ ଲାଉଦିକିଆତେ ଦାଦାଲଡ଼କ୍ ନୁ ଏଲୀୟା, ଏଲୀଡ଼, ନୁମପା ନୁ ତାନ ଲନ୍ ଅଣ୍ଟିୟାଗ୍ ଆସମାନ୍ଦାନ୍ ମଣ୍ଡିଲିତେ ସାରେତଡ଼କ୍ ନାୟାଦ୍ ନମସ୍କାର୍ କେଞ୍ଜିପାର୍ ।

୧୬ ମିଡ଼, ଇଦ୍ ଚିଟି କାରସ୍ ତେପାନ୍ ଝେଲେ ଲାଉଦିକିଆତେ ମଣ୍ଡିଲିତାଗ୍ ମିକା ବେଲାନ୍ କି ଇଦ୍ କାରତେ ପାରଦତଡ଼, ଆଦ୍ ବେଲା ଇଡ଼କେ ବା ମାଡ଼ାର୍ । ଲାଉଦିକିଆ ମଣ୍ଡିଲିତେ ଦାଦାନଡ଼, ମୀଇ ଗାରେ ବେନ୍ ଚିଟି ରଅତିତଡ଼, ଆଦ୍ ମିକା କାର୍ମୁର୍ ।

୧୭ ☆ମେଣ୍ଟେ ଆକର୍ ପପଙ୍କ୍ କେତିତିଡ଼, “ପ୍ରବୁନ୍ ସେବା ପାଡ଼ୟି ମାଡ଼ାନ୍ ସେଙ୍ଗେ ମିକିଙ୍କ୍ ବେନ୍ ଦାୟିଡ଼ ଇସମାଡ଼ତଡ଼, ଆଦ୍ ବେଲାନ୍ ଇକେବା ପୁରା ମାଡ଼ାର୍ ।”

୧୮ ନାନେ ପାଉଲ୍ ନିଜର୍ କାୟଦେ ଚିଟି ଲେକି, ନାୟାଦ୍ ନମସ୍କାର୍ କେଞ୍ଜିପୁତାନ୍ । ନାୟାଦ୍ ବନ୍ଦି ଅବସ୍ଥାତିଙ୍କ୍ ମାରଙ୍ଗମାର୍ । ଇଶ୍ବରତେ ଅନୁଗ୍ରହ ମୀଇ ସାରେତଡ଼ ପାକେ ମାନ୍ନି ।

ପୁନାବ୍ ଆର୍ବ୍
The New Testament in the Koya language of India:
ପୁନାବ୍ ଆର୍ବ୍ (Bible)

copyright © 2020 The Word for the World International and Koya Translation Samithi, Malkangiri, Odisha

Language: (Koya)

Contributor: The Word for the World South Asia

ପୁନାବ୍ ଆର୍ବ୍
ପୁନାବ୍ ନିୟମ୍ , 2020

The New Testament in Koya Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-07

PDF generated using Haiola and XeLaTeX on 6 May 2025 from source files dated 7 May 2025

72ff5787-bb80-584b-a1a0-0acd8a2fefae